

沈氏尊生書卷五

傷寒論綱目

太陽經

瘧

沈金鰲輯

綱。仲景曰。太陽病。發汗太多。因致瘧。脉沉而細。身熱足寒。頭項強急。惡寒。時頭熱。面赤。目脉赤。獨頭面搖。卒口噤。背反張者。瘧病也。

目。徐彬曰。瘧病。概爲風寒濕所中。然原其因。多由亡血。筋無所榮。邪得以襲之。故仲景原瘧病之由。而曰太陽病果寒多。本宜發汗。太多則血傷。不能榮筋而成瘧也。古人以強直爲瘧。外症與傷寒相類。但其脉沉遲弦細。而項背反張。強硬如發癰。爲異耳。仲景旣以無汗有汗。分辨剛柔。此則以脉沉細爲辨。謂太陽病發熱。是表中風矣。復加以濕。纏綿經中。內挾寒氣。今筋脉

抽急而項背強直。脉反沉細。沉細者寒濕用事邪欲侵陰之象也。于是項背強直故名瘳。瘳脉本伏弦細則元氣憊卽難治。中風症多角弓反張類瘳者。但中風強直其先必無太陽形症。脉亦必浮大而非沉細弦遲。故內經曰諸暴強直皆屬于風。但陽主動陰主靜是當以強直而安靜主濕強直而搐搦主風。此治中風辦法也。千金謂濕病熱入腎中亦爲瘳。小兒癰症熱盛亦爲瘳。亦中風類也。前人云傷寒瘳症有五皆屬太陽。若頭低視下手足牽引肘膝相掣陽明瘳也。若一目或左或右并一手一足搐搦者少陽瘳也。太陽固屬風寒陽明少陽亦風火熱之內作中風類也。皆當兼養陰清熱爲治。若此所論瘳雖外感風寒濕不同然由亡陽筋燥則一矣。如無汗反惡寒爲剛瘳有汗不惡寒爲柔瘳。此辨症之法。非瘳家本症也。此乃舉瘳症之

最脩者以詳病時之形狀且言治之不得過汗而脉有常體也
身熱太陽表邪本盛乃因血液衰少寒邪復挾濕搏結衛中陽
氣不下而寒濕隨太陽經下項稍侵陽明而頸項強急真陽不
達於表而惡寒於是太陽經無非寒熱而格熱于上爲頭熱面
赤目赤獨頭動搖太陽主開寒濕搏之開閤不利不能發聲而
卒口噤液衰邪盛筋失所養失養而背反張此瘧病本然之形
症也

綱仲景曰太陽病發熱無汗反惡寒者名曰剛瘧太陽病汗出不
惡寒者名曰柔瘧

目李梴曰太陽病純傷風純傷寒則不發瘧惟先傷風而又感
寒先傷風而又感濕過汗俱能發瘧重發太陽汗大發濕家汗
皆能發瘧外症寒熱類傷寒但脉沉遲弦細搖頭露眼口噤手

足搐搦。項強背反張。如發癎。終日不醒爲異。風性勁。爲剛。瘧因重感寒。或冷。故無汗。宜葛根湯加羌獨活。防風濕性緩。爲柔。瘧因先傷風。故有汗。宜桂枝湯加花粉葛根。其或痰塞氣盛。則茯苓星夏以消痰。枳寔陳皮紫蘇以順氣。痰消氣盛。然後分剛柔治之。通用小續命湯。有熱去附子。自汗去麻黃。剛瘧二三日。仰面壯熱。胸滿如結胸狀。便閉。脚蹠卧不着席者。大承氣湯下之。輕者敗毒散。小柴胡湯。柔瘧二三日不瘥。汗多厥冷。筋脉拘急者。附子防風湯。時發時止。危者附朮散。又有剛柔不分之瘧。身熱詁語似剛。微厥便滑似柔。宜小續命湯加生附子。有汗下後乍靜乍躁。偏左眼左手足牽搦者。少陽瘧也。小柴胡加防風。又虛血之人。及產後傷風過汗。破傷風症發瘧。俱不可純作風治。四物湯加防風。或八物湯去茯苓。加羌防黃芪救之。凡瘧脉如。

雨濺出指外者立死。又戴眼反折瘈瘲汗出如珠或反張離席一掌許小兒離席二指許者無不死。

徐彬曰此二條卽辨寒傷營風傷衛法也。取以爲瘈病剛柔之別。蓋瘈卽瘈強直之謂也。瘈病必有背項強直等的症。但治瘈病剛柔之辨最爲吃緊。故特首拈無汗反惡寒爲剛有汗不惡寒爲柔以示辨症之要領。謂發熱無汗惡寒本傷寒家症。若瘈而項強背直者見之。乃衛陽與腎中真陽氣本相通。今太陽經寒濕相搏而氣侵少陰真陽不達。故反惡寒也。寒性勁切。故曰剛。有汗不惡寒本傷風而併陽明症。若瘈而項強背直者見之。是太陽陽明傷濕而兼風。非寒邪內侵之比也。風性溫和。故曰柔。非止項強而身體則軟爲柔瘈也。瓜蒌桂枝湯乃治柔瘈主方也。

李中梓曰。此太陽中風重感寒濕而致也。仰面開目爲陽。合面閉目爲陰。燥渴爲陽。口中和爲陰。脈浮緊數爲陽。沉細澁爲陰。陽瘳易治。陰瘳難治。通用小續命湯。陽瘳去附子。陰瘳去麻黃。柯琴曰。此以表氣虛寔分剛柔。原其本而名之也。亦可以知其人初病之輕重。稟氣之強弱而施治矣。金匱用葛根湯則謬。

綱

仲景曰。瘳家身雖疼。不可發汗。汗出則瘳。

目徐彬曰。瘳家血本虛燥。以疼痛爲風而發其汗。則液亡筋燥。而不能和調。乃亦爲瘳。雖汗下後。或有邪乘。然總以陰虛液脫爲主。故特詳其致瘳之因如此。

鰲按。瘳家病與風寒不同。風寒外症。必頭項痛。身腰痛。骨節痛。非痛偏一處。風寒內症。必嘔逆。或乾嘔。不得飲食。故發熱惡寒。雖亦相同。而辨其內外症。則可知彼此之異。不得誤認。

瘡膿爲風寒而錯治矣。此仲景借瘡家以明治傷寒之法。當發汗。非論傷寒而雜及瘡家也。其旨當明。

綱 仲景曰：太陽病無汗而小便反少，氣上衝胸，口噤不得語，欲作剛瘧，葛根湯主之。

目 徐彬曰：剛瘧之背項強直而無汗發熱，又反惡寒，原屬寒濕居中。陰陽兩傷之象，有如發熱而太陽病矣。無汗乃寒傷營本症也。此時邪尚在表，不在裡，而小便反少，氣上衝胸，明是太陽隨經之邪，自腑侵臟，動其沖氣，且口噤不語，是太陽主開而反閉，聲不得發，則陰陽兩傷，勢必強直惡寒，所不待言。故曰欲作藥用桂枝全方加葛根麻黃，風寒兼治也。然足陽明脉起于鼻交頰中，旁納太陽之脉，故自太陽而侵及陽明，勢將頭項強不已而漸胸滿，特以葛根主之以杜兼并之勢，爲無汗剛瘧主方。

且桂枝原能治冲氣也。

李中梓曰。陰痿厥逆。筋脉拘急。汗多。宜桂心白朮散。閉目合眼。附子防風散。胸滿口噤。卧不着席。咬牙攣急。大承氣湯。頭項強。小腹滿。小便不利。五苓散。風盛血燥。防風當歸湯。

瘕瘕不仁

沈金鰲輯

綱仲景曰太陽病。脉陰陽俱浮。自汗。身重。多眠。鼻鼾。語言難出。不可下。不可火。若被火者。微則發黃。劇則驚癇瘕瘕。

目吳綬曰夫瘕瘕者一伸一縮手足相引。搐搦不已。大抵與嬰兒發搐相似。古人以此症多屬於風。風主動搖也。駱龍吉言心主脉。肝主筋。心屬火。肝屬木。火主熱。木主風。風火相扇。則為瘕瘕也。若不因汗下所生者。當平肝木。降心火。佐以和血脉之劑。

如羌防柴芍芎歸苓連生地天麻之類。若兼有痰。必加竹瀝星夏。如風邪內煽。加全蝎姜蚕。若傷寒曾經汗下後。多所傳變。而得為病勢已過。多難治也。蓋因虛極生風所致。須用小續命湯。或大建中湯加減一二味主之。凡傷寒汗出露風。則汗不通流。遂變筋脉攣急。手足搐搦。宜牛蒡根。如本條由風溫被火。宜葳

蕤湯若瘕癰戴眼反折。絕汗乃出。大如貫珠。着身不流者。此太陽終也。不可治。又有四肢褻習。動而不止。似瘕癰而無力抽搐者。此爲肝絕。蓋汗下後變生此症者多死。凡用小續命湯有汗去麻黃。無汗去黃芩。要在通變而已。

綱 仲景曰。風濕爲病。脉陰陽俱浮。自汗出身重。多眠睡。鼻息必鼾。語言難出。若被下者。小便利。直視。失溲。若被火者。微發黃色。劇則如驚癇。時瘕癰。

目 成無已曰。瘕者。筋脉急也。癰者。筋脉緩也。急則引而縮。緩則縱而伸。或縮或伸。動而不止者。名曰瘕癰。俗謂之搐搦是也。內經以瘕爲契合之契。癰爲放縱之縱。以急爲瘕。以緩爲癰。理至明矣。瘕癰者。風疾也。而癰癇則瘕癰焉。傷寒瘕癰者。邪寔氣極也。熱盛則風搏併經絡。風主動。故四肢瘕癰而不寧也。風濕

被火而瘕瘕。言熱氣之劇盛也。傷寒至于發瘕瘕。病勢已過矣。內經曰。太陽終者。戴眼反折瘕瘕。絕汗乃出。大如貫珠。著身不流。是見其瘕瘕爲已過之疾也。瘕瘕之症雖劇。若能以祛風滌熱之劑。折其大勢。則亦有生者。若妄灼灸。或與發表之藥。必死。經曰。一逆尙引日。再逆促命期。

鰲按此乃風熱甚之病。宜祛風散熱爲主。然或有一二可生耳。非謂其必生也。

不仁

綱仲景曰。脉浮而洪。身汗如油。喘而不休。水漿不下。形體不仁。乍靜乍亂。此爲命絕也。

目張雲岐曰。不仁。謂不柔和。痛痒不知。任其屈伸。灸刺亦不知。是謂不仁也。由邪氣壅盛。正氣爲邪氣所閉。伏鬱而不發。血氣

虛少。不能通行故也。內經曰、榮氣虛則不仁。針經曰、衛氣不行則爲不仁。經曰、營衛不能相將。三焦無所仰。身體痺不仁。卽此知營衛血氣虛少。不能通行爲不仁明矣。又謂諸乘寒者則爲厥。鬱冒不仁。言此厥者是正氣爲寒氣所乘而爲厥氣。非四肢逆冷之厥也。何也。鬱冒爲昏冒。不仁爲不知痛痒。是爲尸厥。經曰、少陰脉不至。腎氣微。少精血。奔氣促逼。上入胸膈。宗氣反聚。血結心下。陽氣退下。熱歸陰股。與陰相動。令身不仁。此爲尸厥。其乘寒之厥。鬱冒不仁者。卽此可知矣。昔越人入虢診太子爲尸厥。以鬱冒不仁爲可治。刺之而得痊。寔神醫也。若如本條命絕。雖越人其能救之耶。

陶華曰、瘳則急而縮。癡則緩而伸。熱則生風。風主乎動。故筋脉相引而伸縮。傷寒至此死症也。能去風滌熱治之。幸有生者。治

法與痙病畧同。不仁。謂不柔和。諸虛乘寒。爲鬱冒不仁。血氣虛弱。不能周流一身。于是正氣爲邪氣所伏。故肢體頑麻不仁。脈如死屍。用麻桂合半湯。不愈。補中益氣湯入姜汁。

李中梓曰。痙瘓者。或縮或伸。動而不定。汗出時蓋覆不周。腰背手足搐搦。牛蒡根湯。脈浮數有風熱。防風通聖散。血不養筋。大秦朮湯。



南京中医药大学图书馆版权所有

發黃

沈金鰲輯

綱仲景曰病發于陽而反下之熱入因作結胸但頭汗出餘處無汗至頸而還小便不利身必發黃也傷寒瘀熱在裡身必發黃麻黃連翹赤小豆湯主之

目朱肱曰頭汗出而身發黃者茵陳蒿湯十分五苓散五分拌和每服一錢水下日三服

張雲岐曰寒氣侵人人即發熱以拒之是為發陽助陽散寒一汗而寒熱解矣不汗而反下故熱內陷而成結胸炎上而但頭有汗且小便不利致濕熱內蒸黃色外見也解表清火利水麻黃連翹赤小豆湯一劑而三善備且以見太陽發熱之治與陽明迥別也

綱仲景曰太陽病身黃脉沉結少腹硬小便不利者為無血也小

便自利。其人如狂者。血結症也。抵當湯主之。

目朱震亨曰。寒熱在裡不散。熱畜于脾胃。腠理不開。瘀熱與宿穀相薄。鬱蒸不消化。故發黃。發黃與瘀血外症及脉俱相似。但小便不利爲發黃。小便自利爲瘀血。要之發黃之人。心脾蘊積。發熱引飲。脉必浮滑而緊數。若瘀血症卽如狂。大便必鞭。此異耳。

婁全善曰。此畜血在下焦而發黃者也。

柯琴曰。太陽病發黃與狂。有氣血之分。小便不利而發黃者。病在氣分。麻黃連喬赤小豆症也。小便自利而如狂。病在血分。抵當湯症也。

綱仲景曰。太陽病。中風以火劫發汗。邪風被火熱。血氣流溢。失其常度。兩陽相熏灼。身體則枯燥。但頭汗出。齊頸而還。其身發黃。

目朱肱曰病人服湯得小便利如皂莢汁赤一宿腹減則黃從小便中出也。古人云治濕不利小便非其治也。麻黃連喬赤小豆湯。梔子柏皮湯可選用之。

陶華曰內經云濕熱相交民多病瘴發黃是也。謂單陽而無陰也太陰脾土爲濕熱所蒸色見于外曰發黃。濕勝則如熏黃而晦。熱勝則如橘黃而明。傷寒至于發黃熱勢已極且如畜血大抵相類。設或寸口無脉鼻出冷氣與夫形如烟熏搖頭直視環口鰐黑舉體發黃是皆真臟氣絕也。

綱仲景曰太陽病脉浮而動數浮則爲風數則爲熱動則爲痛數則爲虛頭痛發熱微盜汗出而反惡寒者表未解也。醫反下之動數變遲。膈內拒痛胃中空虛客氣動膈短氣煩躁心中懊懣陽氣內陷心下因鞭則爲結胸。大陷胸湯主之。若不結胸但頭汗出餘